



15.01.2024

Matumuuna Inatsisartut suleriesaat § 37, stk. 1 naapertorlugu Naalackersuisunut ima apeqquteqaateqassaanga.

Naalackersuisunut apeqquteqaat:

- 1) Isumaginninnermut Aqutsisoqarfiup tungaanit, kommunit meeqqanut ikorfartortarialinnut pinasuartumik angerlarsimaffiup avataanut inissiisarnerannut atatillugu nakkutilliinikkut sullissineq Naalackersuisut qanoq isumaqarfigaat?
- 2) Kommunit nakkutilliinerannut kiisalu ulloq unnuarlu inissiisarfinnut nakkutilliinerup nukittorsarnissaannut Naalackersuisut qanoq pilersaaruteqarpat?
- 3) Kommunini allaffissornikkut sullissinerup pitsanngorsarnissaanik Naalackersuisut pilersaarusiaqarpat? Soorlu makkunani:
 - a. Pinasuartumik angerlarsimaffiup avataanut inissiigasuartariaqarnerni.
 - b. Meeqqanut pinasuartumik angerlarsimaffiup avataanut inissinneqartartunut inissarititaasartunut akuersissutit qulaajarnissaannut.
 - c. Meeqqat pinasuartumik angerlarsimaffiup avataanut inissinneqartartut sullissisuisa sumik ilinniagaqarsimanerannik nakkutilliinikkut qulaajaanissamut.
 - d. Meeqqat pinasuartumik angerlarsimaffiup avataanut inissinneqarsimasut periusissiuunnissaannut.
- 4) Naalackersuisut takornarialerisunik allanilluunniit suliffeqarfinnik "immikkoortoqarfiuteqartunik" ilisimasaqarpat, meeqqanik immikkut pisariaqartitsisunik angerlarsimaffiullu avataanut inissinneqarsimasunik sullitalinnik, naak tamakkuningga ukkatarinnissinnaanermut tunngaviliisussamik ilinniagaqarsimangikkaluarlutik imaluunniit sulisussaalatsigaluarlutik sulii paaqqutarinnittunik?
 - a. Taamaattoqarsimappat, tamanna Naalackersuisut qanoq isumaqarfigaat?
 - b. Inatsisitigut tunngavissaqarnerluni, kommunit; meeqqanik immikkut pisariaqartitsisunik taamak sumulluunniit inissiisinnaanerinut, taamatullu aamma tulluuttumik tamakkununga tunngassutilinnut ilinniagaqarsimangikkaluartunut?
- 5) Meeqqanut ullut unnuarlu paaqqinnittarfiusuni sulisut, meeqqanik aliasunnermik ilungersunartumillu nalaataqarsimasunik, sullissisussatut inissisimasut qanorlu iliuseqarnissamik ilinniagaqarsimanginnerat Naalackersuisut qanoq isumaqarfigaat?
- 6) Suliaq maanna nalunnginneqartutut saqqumilaartinneqarluni ingerlasoq eqqarsaatigalugu, Naalackersuisut Kommuneqarfik Sermersuup meeqqanut inissiisarnerata aaqqiivigineqarnissaata tungaanut nakkutigineqarnissaa eqqarsaatersuutigisimanerlugu?



(Inatsisartuni ilaasortaq Najaaraq Møller, Siumut)

Tungavilersuutigineqartoq:

Ullumi 27. december 2023 KNR-ikkut nutaarsiassani tusarliunneqarpoq takornarissanik sullissisoq meeqqanik 17-inik angerlarsimaffiup avataani inissigasuakkanik inissiivigineqarluni sullitaqarsimasoq. Naak ilinniarluarsimasunik pædagoginik paaqqutarinnissinnaasunik sulisoqangikkaluarluni.

Meeqqat tapersorneqarnissaannut Inatsisartut inatsisaat pillugu Namminersorlutik oqartussat nalunaarutaat tunaartarissagaanni, Isumaginninnermi Aqutsisoqarfik aammalu Kommuneqarfik Sermersooq inatsisinik maleruaasimanngitsutut oqaatigisariaqarpoq.

Nutserneqarsimasoq tungavigalugu arlaatigut paatsuungassutaasinnaasuni apeqquusiisoqarlunilu allatut pilersoaqassagaluarpat – kalaallisuaa tassaavoq eqquuttutut tunaartarineqartariaqartoq. Apeqqutigineqartut ullut qulit suliffiusut qaangiutsinnagit akeqquneqarput.